

**ს ა ქ ა რ თ ვ ე ლ ო**  
**ქალაქ ფოთის მუნიციპალიტეტის საკრებულო**  
**იურიდიულ, სამანდატო, საპროცედურო საკითხთა და ეთიკის კომისია**

---

ოქმი N8

„24” ნოემბერი 2021 წელი.

სხდომას თავმჯდომარეობდა კომისიის თავმჯდომარე: დავით კვიციანი.

სხდომას ესწრებოდნენ: კომისიის წევრები, ოლეგი ნაჭყებია, თამარ თოფურია, ხვიჩა ცხვიტარია, დავით კვიციანი.

**მოისმინეს:** ინფორმაცია, ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის სხდომის დღის წესრიგის შესახებ.

დღის წესრიგი:

1. ქალაქ ფოთის მუნიციპალიტეტის მერის მიერ წარმოდგენილი საკრებულოს დადგენილების პროექტის „ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ” თაობაზე.
2. ქალაქ ფოთის მუნიციპალიტეტის საკრებულოს ფრაქცია „ქართული ფესვების” განცხადებისა და 2021 წლის 17 ნოემბრის N2 სხდომის ოქმის შესახებ (ფრაქციის თავმჯდომარის მოადგილედ თორნიკე შონიას არჩევა).
3. ქალაქ ფოთის მუნიციპალიტეტის საკრებულოს წევრის -თავმჯდომარის ბექა ვაჟარაძისთვის 2021 წლის 19 ნოემბრის განცხადების შესაბამისად, 2021 წლის 20 ნოემბრიდან უფლებამოსილების შეწყვეტის შესახებ.
4. ქალაქ ფოთის მუნიციპალიტეტის მერის მიერ წარმოდგენილი საკრებულოს განკარგულების პროექტის „ევროკავშირის მიერ გამოყოფილი გრანტის მიღებაზე საქართველოს მთავრობის წინაშე შუამდგომლობით მიმართვისა და საქართველოში გოეთეს ინსტიტუტთან საგრანტო ხელშეკრულების გაფორმებაზე ქალაქ ფოთის მუნიციპალიტეტის მერისთვის თანხმობის მიცემის შესახებ“ თაობაზე.

**მომხს:** დავით კვიციანი - იურიდიულ, სამანდატო, საპროცედურო საკითხთა და ეთიკის კომისიის თავმჯდომარე

აზრი გამოთქვეს კომისიის წევრებმა: ოლეგი ნაჭყებიამ, თამარ თოფურიამ, ხვიჩა ცხვიტარიამ.

**დაადგინეს:** დამტკიცდეს იურიდიულ, სამანდატო, საპროცედურო საკითხთა და ეთიკის კომისიის სხდომის დღის წესრიგი წარმოდგენილი სახით.

კენჭისყრის შედეგები:

მოისმინეს:

ინფორმაცია, ქალაქ ფოთის მუნიციპალიტეტის მერის მიერ წარმოდგენილი საკრებულოს დადგენილების პროექტის „ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ“ თაობაზე.

საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-2 პუნქტის „ა“ ქვეპუნქტის, 24-ე მუხლის პირველი პუნქტის „დ.ა“ ქვეპუნქტის, 54-ე მუხლის პირველი პუნქტის „გ.ა“ ქვეპუნქტის, საქართველოს კანონის „საქართველოს საბიუჯეტო კოდექსის“ 77-ე და 78-ე მუხლების შესაბამისად, საკრებულო უფლებამოსილია მიიღოს „ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ“ საკრებულოს დადგენილების პროექტი (შემდგომში -დადგენილების პროექტი).

ამასთანავე, კომისიას გააჩნია გარკვეული შენიშვნები წარმოდგენილ დადგენილების პროექტთან დაკავშირებით, კერძოდ: საქართველოს ორგანული კანონის „ადგილობრივი თვითმმართველობის კოდექსი“ 36-ე მუხლის პირველი პუნქტში, 38-ე მუხლის მე-2 პუნქტში შეტანილი ცვლილების (2021 წლის 19 ნოემბრის ცვლილება) შესაბამისად, მუნიციპალიტეტის (გარდა ქალაქ თბილისის მუნიციპალიტეტისა) საკრებულოებს დაემატათ საკრებულოს თავმჯდომარის პირველი მოადგილისა და მოადგილის თანამდებობა, ამასთანავე, მუნიციპალიტეტის საკრებულოს ფრაქციის თავმჯდომარეს, ყოველ 3 წევრზე უფლებამოსილია ჰყავდეს ერთი მოადგილე (არაუმეტეს 7 მოადგილე). ამდენად, ზემოხსენებული პირების ხარჯები გასათვალისწინებელია ქალაქ ფოთის მუნიციპალიტეტის 2022 წლის ბიუჯეტის პროექტში.

კომისიას მიზანშეწონილად მიაჩნია ზემოხსენებული შენიშვნების გათვალისწინების მიზნით საკრებულოს დადგენილების პროექტი დაუბრუნდეს მერს.

აზრი გამოთქვეს კომისიის წევრებმა: ოლეგი ნაჭყებიამ, თამარ თოფურიამ, ხვიჩა ცხვიტარიამ, დავით კვიციანმა.

დაადგინეს:

1. საკრებულოს წარედგინოს კომისიის დასკვნა თანახმად დანართი 1-ისა.

კენჭისყრის შედეგები:

მოისმინეს:

ინფორმაცია, ქალაქ ფოთის მუნიციპალიტეტის საკრებულოს ფრაქცია „ქართული ფესვების“ 2021 წლის 17 ნოემბრის N2 სხდომის ოქმის შესაბამისად, ფრაქციის თავმჯდომარის მოადგილედ თორნიკე შონიას არჩევის შესახებ.

„ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის დებულების დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 18 ივლისის №1/21 დადგენილებით დამტკიცებული დებულების მე-2 მუხლის პირველი პუნქტის „ვ“ ქვეპუნქტის შესაბამისად, იურიდიულ, სამანდატო, საპროცედურო საკითხთა და ეთიკის კომისია, საკრებულოს

უახლოეს სხდომას აცნობებს ფრაქციის თავმჯდომარისა და სხვა ხელმძღვანელი პირების არჩევის, გადაყენების, გადადგომის შესახებ.

საქართველოს ორგანული კანონის „ადგილობრივი თვითმმართველობის კოდექსი“ 38-ე მუხლის მე-4 პუნქტის შესაბამისად, მუნიციპალიტეტის საკრებულოს ფრაქციის თავმჯდომარისა და ფრაქციის თავმჯდომარის მოადგილის არჩევის წესი და უფლებამოსილებანი განისაზღვრება მუნიციპალიტეტის საკრებულოს ფრაქციის წესდებით.

ქალაქ ფოთის მუნიციპალიტეტის საკრებულოს ფრაქცია „ქართული ფესვების“ 2021 წლის 17 ნოემბრის N2 სხდომის ოქმის შესაბამისად, ქალაქ ფოთის მუნიციპალიტეტის საკრებულოს ფრაქციის „ქართული ფესვების“ თავმჯდომარის მოადგილედ არჩეულ იქნა თორნიკე შონია.

ფრაქცია „ქართული ფესვების“ ზემოხსენებული გადაწყვეტილება შესაბამისობაშია მოქმედ სამართლებრივ აქტებთან.

ამდენად, ქალაქ ფოთის მუნიციპალიტეტის საკრებულომ საოქმო ჩანაწერით კენჭისყრის გარეშე ცნობად უნდა მიიღოს საკითხი-ქალაქ ფოთის მუნიციპალიტეტის საკრებულოს ფრაქციის „ქართული ფესვების“ 2021 წლის 17 ნოემბრის N2 სხდომის ოქმის თანახმად, ფრაქციის თავმჯდომარის მოადგილედ თორნიკე შონიას 2021 წლის 17 ნოემბრიდან არჩევის შესახებ.

**აზრი გამოთქვეს კომისიის წევრებმა:** ოლეგი ნაჭუებიამ, თამარ თოფურიამ, ხვიჩა ცხვიტარიამ, დავით კვიციანმა.

**დაადგინეს:**

საკრებულოს წარედგინოს კომისიის დასკვნა თანახმად დანართი 2-ისა.

**კენჭისყრის შედეგები:**

მომხრე ----- 4         წინააღმდეგი ----- 0

**მოისმინეს:**

ინფორმაცია, ქალაქ ფოთის მუნიციპალიტეტის საკრებულოს წევრის - თავმჯდომარის ბექა ვაჟარაძის 2021 წლის 19 ნოემბრის განცხადების შესაბამისად, 2021 წლის 20 ნოემბრიდან უფლებამოსილების შეწყვეტის შესახებ.

კომისიას მიზანშეწონილად მიაჩნია, საქართველოს ორგანული კანონის „ადგილობრივი თვითმმართველობის კოდექსი“ 43-ე მუხლის პირველი პუნქტის „ა“ ქვეპუნქტის, მე-3 და მე-4 პუნქტების შესაბამისად, ქალაქ ფოთის მუნიციპალიტეტის საკრებულომ საოქმო ჩანაწერით კენჭისყრის გარეშე ცნობად უნდა მიიღოს საკითხი, ქალაქ ფოთის მუნიციპალიტეტის საკრებულოს წევრის -თავმჯდომარის ბექა ვაჟარაძის პირადი განცხადების საფუძველზე, 2021 წლის 20 ნოემბრიდან უფლებამოსილების შეწყვეტის შესახებ.

**აზრი გამოთქვეს კომისიის წევრებმა:** ოლეგი ნაჭუებიამ, თამარ თოფურიამ, ხვიჩა ცხვიტარიამ, დავით კვიციანმა.

**დაადგინეს:**

საკრებულოს წარედგინოს კომისიის დასკვნა თანახმად დანართი 3-ისა.

**კენჭისყრის შედეგები:**

მომხრე ----- 4

წინააღმდეგი ----- 0

მოისმინეს:

ინფორმაცია, ქალაქ ფოთის მუნიციპალიტეტის მერის მიერ წარმოდგენილი საკრებულოს განკარგულების პროექტის „ევროკავშირის მიერ გამოყოფილი გრანტის მიღებაზე საქართველოს მთავრობის წინაშე შუამდგომლობით მიმართვისა და საქართველოში გოეთეს ინსტიტუტთან საგრანტო ხელშეკრულების გაფორმებაზე ქალაქ ფოთის მუნიციპალიტეტის მერისთვის თანხმობის მიცემის შესახებ“ თაობაზე.

საქართველოს ორგანული კანონის „ადგილობრივი თვითმმართველობის კოდექსი“ მე-100 მუხლის მე-5 და მე-7 პუნქტების შესაბამისად, ქალაქ ფოთის მუნიციპალიტეტის საკრებულო უფლებამოსილია მიიღოს წარმოდგენილი სამართლებრივი აქტის პროექტი. რაც შეეხება წარმოდგენილი საკრებულოს სამართლებრივი აქტის პროექტის დასაბუთებასა და მიზანშეწონილობას, აღნიშნულ საკითხთან დაკავშირებით პასუხისმგებლობა ეკისრება პროექტის ავტორს.

აზრი გამოთქვეს კომისიის წევრებმა: ოლეგი ნაჭყებიამ, თამარ თოფურიამ, ხვიჩა ცხვიტარიამ, დავით კვიციანმა.

დაადგინეს:

საკრებულოს წარედგინოს კომისიის დასკვნა თანახმად დანართი 4-ისა.

კენჭისყრის შედეგები:

მომხრე ----- 4

წინააღმდეგი ----- 0

იურიდიულ, სამანდატო, საპროცედურო საკითხთა და ეთიკის კომისიის  
თავმჯდომარე

